

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

**Exordium**

[urn:nbn:de:bsz:31-126133](#)

nio intelligere valet. Videmus nunc per speculum in ænigmate, tunc autem à facie ad faciem. Ex parte enim cognoscimus, & ex parte prophetamus, cum autem venerit, quod perfectum est, evanescabitur, quod ex parte est, 1. Corinth. 13. vers. 12.

Interea verbo adhærentes, caveamus ne rationi nimium indulgeamus. Quemadmodum enim bombyx, quo plus telarum trahit, eò plus illis irretitur: Ita scrutator majestatis opprimetur à gloriâ, Prov. 25. vers. 27. Maria ait: Ancilla Domini sum, fiat mihi secundum verbum tuum: Sic & nos dicamus, non dubitantes, quin Deus verum facturus sit, quod

nobis promisit. Triumphator enim in Israël non fallit, 1. Sam. 15. vers. 29. Et sicut verbum illud impletum, quod Angelus ad Mariam locutus est, ita non ambigamus, quin promissa nobis facta servaturus ille sit, nosque ex misericordia hâc valle translatus eo, ubi revelata facie gloriam Domini, tanquam in speculo recipiemus, 2. Cor. 3. & ult. Ibi nobis fiet juxta verba ejus.

Quod hic Deus certissimus,  
Promisit in verbo bons,  
Jurans suum per nomen:  
Id certius certo fiet,  
Qui nos ut Angelos beat,  
Per Christum Jesum, Amen.

## FERIA II. PASCHATOS.

*Evangelium Luc. 24. v. 13. -- 35.*

### EXORDIUM.

**N**urus summi Sacerdotis Eli, uxor Phinees, quæ prægnans erat, vicinaque partui: auditio nuncio, quod capta esset arca Dei, & mortuus esset sacerdos tuus, & vitruus, incurvavit se & peperit: irruerant enim in eam dolores subiti. Cùm autem mors ipsi appropinquaret, dixerunt ei, quæ stabant circa eam: Ne timeas, quia filium peperisti. Quæ non respondit eis, neque apposuit cor suum. Et vocavit puerum Ichabod, dicens: Translata est gloria Domini de Israel, quia capta est arca Dei, 1. Sam. 4. v. 19. seqq.

Ubi in considerationem venit,

1. *Gravidarum & parturientium conditio dura.* Phinees vidua, præ nimia animi consternatione, ante justum tempus partit, & in partu occumbit: Ita prægnyantes & parturientes variis periculis & casibus subiecti sunt, & facile quicquam accidere potest, quo aut illis aut foeti dañnum infertur. Ex hâc cauſa prægnyantes sollicitè sibi caveant, & sedulò orent, ut Deus se & foetum suum in tutelam suam recipiat, ne pavore, metu, lapsu vel alio modo in discrimen adducantur, & cauſam habeant cum Rebeccâ querendi: Si mihi sic futurum erat, quid necesse fuit concipere? Gen. 25. v. 22.

2. *Potif-*

2. *Potissimum priorum cura.* Phinees uxor non adeò angitur de obitu matiti & socii, quam de arcâ Dei, quod illa de Israël translata, in manus Philistinorum pervenerat. Ita verus, maximè verò, moribundus Christianus, de nulla re magis sollicitus esse debet, quam de gloriâ Israëlis, hoc est, vero Dei cultu, ut illum pro virili promoveat, ut Exempla Iosuæ, Davidis, Hiskiae, Josiae, Nehemiae, aliorumque Sanctorum Dei id docent, Jos. 24. v. 1. seqq. 1. Chron. 29. & 30. cap. 2. Reg. 20. & 23. Nehem. 1. seqq.

3. *Discipulorum Christi figura.* Uxor Phinees ex animo perturbata est, propter ablatam arcam Dei, quam gloriam Domini appellat, quo nomine & à Davide, Psalm. 26. vers. 8. & Assapho Psalm. 78. vers. 62. insignitur. Arca fœderis typus Christi fuit, ut constat ex Rom. 3. vers. 25. cum ille à furiosis Judæis Ethnici traditus & cruci affixus, & postea à Josepho Arimathiaë terræ mandatus esset, discipuli ejus maximo mœrore percellebantur, non secus opinantes, quām gloriam translatam esse de Israël. Sicuti duo ex illis, qui Emmaus proficiscebantur, varia tristia colloquia hāc de referebant. Ubi enim Christus illis apparuit, & caußam tristitiae scititatus est, liberrimè animi sui sensa proferunt, dicentes: *Translata est gloria Domini de Israël, Dominus gloriae crucifixus est, 1. Cor. 2. v. 8.* Jesum Nazarenum, qui fuit vir Propheta, potens in opere & sermone, coram Deo & omni populo: summi Sacerdotes & Principes nostri tradiderunt, in damnationem mortis, & cruciferunt eum &c. Sicut S. Lucas paulò plenius indicat.

Nos methodo nostræ inservientes, vi-debimus

- I. *Tripliçem Querelam.*
- II. *Tripliçem Medelam.*
- III. *Tripliçem Cautolam.*

J. J.

### *Exegeſis.*

Cum Jacobus Patriarcha à filii suis certior redderetur, quod Josephus filius carissimus, quem dudum defunctum arbitrabatur, adhuc in vivis & Dominus totius Ægypti esset, omnem fidem illis derogabat, dimisit namque eum sermonem cor ejus, ut Moses meminit, Gen. 45. v. 26.

Idem evenit discipulis Christi, quibus pia mulierculæ, quæ corpus Domini unctum iverant, die Paschatos, & ab Angelo satis de resurrectione Servatoris instructæ erant, hæc bona nova afferabant, quod Dominus verè resurrexisset ex mortuis: at illi in corde suo, mœrore nimio consternati, multò aliter sentiebant, & nuncium hoc ἡγεῖσθαι putabant. Interea duo ex illis, qui quidem non è numero Apostolorum, sed fortassis è Lxx. discipulis fuerunt, siquidem alter Cleophas appellatur, Emmaus deambulatum eunt, quo sollicititudinem ex animo profligant. In viâ verò Jesus ipse è mortuis resuscitatus, in formâ peregrinâ ipsis apparebat, qui quidem illis primò aperuit sensum ut intellegenter Scripturas, deinde se illis manifestavit, & ita fidem eorum, huc illuc vacillantem, valide confirmavit, ut pælecta Pericope pluribus indicat.

Que-